

Na osnovu člana 108. stav 2., Zakona o igrama na sreću („Službene novine Federacije BiH“ broj 48/15), federalna ministrica finansija - federalna ministrica financija donosi

PRAVILNIK

O SADRŽAJU, NAČINU I OBLIKU DOSTAVLJANJA OBAVEZNIH EVIDENCIJA I OBRAZACA ZA IZRADU DNEVNOG OBRAČUNA PRIHODA I UPLATU MJESEČNIH NAKNADA ZA PRIREĐIVANJE IGARA NA SREĆU

I. OPĆE ODREDBE

Član 1.

Ovim Pravilnikom **detaljnije se propisuje:**

1. izrada dnevnog obračuna prihoda od igara na sreću u kazinima, koje se priređuju na stolovima za igru s kuglicama, kockicama ili kartama, te oblik i sadržaj obaveznih evidencija i obrazaca za obračun prihoda od igara na sreću na stolovima za igre u kazinu, kao i izrada izvještaja o održanom turniru,
2. izvještavanje o dnevnom obračunu rezultata poslovanja od priređivanja igara na sreću klađenja,
3. izrada dnevnog obračuna, te oblik i sadržaj obaveznih obrazaca za dnevni obračun prihoda od priređivanja igara na sreću na automatima,
4. sadržaj i način dostavljanja konačnog mjesečnog obračuna i uplate naknade od priređivanja klasičnih igara na sreću, igara na sreću tombola bingo u zatvorenom prostoru, igara u kazinima, igara na sreću klađenja i igara na sreću na automatima,
5. sadržaj i način dostavljanja konačnog obračuna godišnje naknade po osnovu stečenog prava priređivanja igara na sreću u kazinima,
6. sadržaj i način dostavljanja konačnog mjesečnog obračuna naknade za priređivanje igara na sreću putem RNG (Random Number Generator),
7. naziv, izgled i sadržaj obrazaca za izradu obračuna prihoda priređivača i uplatu naknada, koji se nalaze u prilogu ovog Pravilnika i čine njegov sastavni dio.

II. IZRADA DNEVNOG OBRAČUNA PRIHODA OD IGARA NA SREĆU U KASINIMA KOJE SE PRIREĐUJU NA STOLOVIMA ZA IGRU S KUGLICAMA, KOCKICAMA ILI KARTAMA, TE OBLIK I SADRŽAJ OBAVEZNIH OBRAZACA ZA OBRAČUN PRIHODA OD IGARA NA SREĆU NA STOLOVIMA KAO I IZRADA IZVJEŠTAJA O ODRŽANOM TURNIRU

Član 2.

Izrada dnevnog obračuna

Priređivač igara na sreću u kazinima je dužan u svom poslovanju osigurati sve podatke za tačno, pravilno i pravovremeno sačinjavanje dnevnog obračuna prihoda na svakoj lokaciji kazina, kao i za plaćanje mjesečne naknade za priređivanje igara na sreću koje se priređuju na stolovima za igru s kuglicama, kockicama ili kartama u

skladu sa Zakonom o igrama na sreću („Službene novine Federacije BiH“, broj: 48/15, u daljem tekstu: „Zakon“).

Priredivač koji priređuje igre na sreću u kazinima na stolovima za igre na sreću, dužan je za pravilno utvrđivanje osnovice za obračun mjesečne naknade sačinjavati dnevni obračun po pojedinom stolu za igre na sreću.

Dnevni obračun po pojedinom stolu za igre na sreću obavlja se na način da se završno stanje vrijednosti žetona na stolu uvećava za svotu novca zamijenjenog za žetone na stolu, koji se spremne u posebne kutije (drop) i za iznos visine kredita, te umanju za dopunu u žetonima (dotaciju) za vrijeme rada stola i za vrijednost početnog stanja žetona na stolu (završno stanje+drop+kredit-dotacija-početno stanje=dnevni obračun stola).

Član 3.

Oblik i sadržaj obaveznih obrazaca za dnevni obračun prihoda od igara na sreću na stolovima

Priredivač igara na sreću na stolovima za igru na sreću dužan je za izradu dnevnog obračuna prihoda od igara na sreću na stolovima u toku rada kazina obavezno voditi sljedeće obrasce:

1. Početno stanje stola
2. Završno stanje stola
3. Dotacija stola
4. Kredit stola
5. Obračun gotovine stola
6. Tabela rezultata stola
7. Temeljni Blagajnički izvještaj
8. Izvještaj o održanom turniru

Član 4.

Evidencija početnog i završnog stanja

Obrasci za evidenciju početnog i završnog stanja na stolu moraju biti numerisani i sastavljeni u tri primjerka, a ispunjavaju se dnevno, na početku i na kraju rada kazina.

Član 5.

Obrazac Početno stanje stola (Obrazac br. 1 – PSS) na početku rada kazina krupije ili inspektor stola odnose na stol zajedno sa početnom dotacijom žetona koju izdaje blagajnik.

Krupije i inspektor stola, odvojeno jedan od drugog, utvrđuju obračun žetona na stolu, pa kada se usaglase o utvrđenom iznosu ispunjavaju obrazac iz stava 1. ovog člana, koji moraju potpisati. Krupije zatim odnosi obrazac blagajniku na provjeru i potpis. Jedan primjerak obrasca ostaje u blagajni, jedan služi knjigovodstvu kao

dokument za knjiženje, a jedan primjerak obrasca krupije ubacuje kroz otvor na stolu u drop-box – kutiju prikačenu na donju stranu stola koja služi i za prikupljanje novca koji krupije ubacuje kroz otvor u stolu.

Član 6.

Obrazac Završno stanje stola (Obrazac br. 2 - ZSS) ispunjava se na kraju rada kazina nakon što krupije i inspektor stola, odvojeno jedan od drugog, utvrde obračun žetona na stolu i međusobno se usaglase o utvrđenom iznosu.

Krupije i inspektor stola ispunjeni obrazac moraju potpisati, a višak žetona od dotacije i obrazac Završno stanje stola krupije odnosi blagajniku na provjeru i potpis. Jedan primjerak obrasca ostaje u blagajni, jedan služi knjigovodstvu kao dokument za knjiženje, a jedan se vraća s manjkom žetona i stavlja u drop-box.

Član 7.

Dotacija i kredit stola

Obrasci Dotacija stola (Obrazac br. 3 - DS) i Kredit stola (Obrazac br. 4 - KS) moraju biti numerisani i sastavljeni u tri primjerka.

Dotacija je dopunjavanje stanja stola dodatnom količinom žetona. Daje se stolu onda kada stol gubi ili kad mijenja za novac žetone igračima koji ih odnose na druge stolove ili ih na blagajni zamijene za novac.

Kredit se daje stolu kada se žetoni premještaju sa stola i vraćaju u blagajnu.

Član 8.

Prilikom izdavanja dotacije blagajnik zadržava jedan primjerak Obrasca dotacije stola kao pokriće za izdavanje žetona, jedan primjerak služi knjigovodstvu kao dokument za knjiženje, a jedan primjerak obrasca i žetoni odnose se na stol.

Žetoni i obrazac za dotaciju stola donose se na stol u prozirnoj posudi za žetone. Inspektor stola i krupije uspoređuju zatim brojeve i iznose primljenih žetona s obrascem za dotaciju stola. Žetoni se javno broje na stolu prije nego što se slože u posudu za vrijednosne žetone pojedinog stola. Inspektor stola i krupije potpisuju Obrazac Dotacija stola i stavljaju ga u drop-box.

Član 9.

Obrazac Kredit stola (Obrazac br. 4 - KS) ispunjavaju krupije i inspektor stola nakon što okončaju provjeru stanja žetona kredita, zatim ga zajedno sa žetonima odnose blagajniku na provjeru i potpis, nakon čega krupije jedan primjerak obrasca odnosi na stol i stavlja ga u drop-box, jedan primjerak ostaje u blagajni, a jedan služi knjigovodstvu kao dokument za knjiženje.

Član 10.

Obračun gotovine stola i tabela rezultata

Obrazac Obračun gotovine stola (Obrazac br. 5 - OGS) ispunjava se prilikom sačinjavanja dnevnog obračuna prihoda od igara na sreću na stolovima u kazinu, prilikom čega se upisuje iznos i količina prebrojanih novčanica prema apoenima. Obrazac mora biti numerisan.

Član 11.

Obrazac Tabela rezultata stola (Obrazac br. 6 - TRS) sastavlja se prilikom sačinjavanja dnevnog obračuna prihoda od igara na sreću na stolovima, a u isti se upisuju rezultati dana u konvertibilnim markama za svaku pojedinu igru koja se priređuje u kazinu. Obrazac Tabela rezultata mora biti numerisan, a potpisuje ga lice koje je obračun sačinilo.

Obrazac Tabela rezultata obavezno mora sadržavati sljedeće podatke:

1. podatke o nazivu firme i sjedištu društva
2. jedinstveni identifikacijski broj društva (JIB)
3. adresu kazina
4. datum
5. vrstu igre
6. početno stanje
7. iznos dotacije
8. iznos kredita
9. završno stanje
10. gotovinu
11. rezultat (dobitak ili gubitak)
12. potpis lica koje je sačinilo obračun

Član 12.

Obrasce iz čl. 5. do 10. potpisuju krupije, inspektor stola i blagajnik.

Član 13.

Temeljni blagajnički izvještaj

Obrazac Temeljni blagajnički izvještaj (Obrazac br. 7- TBI) sastavlja se prilikom sačinjavanja dnevnog obračuna prihoda od igara na sreću u kazinu. U obrazac se unose podaci o stanju žetona (početno i završno), gotovini na početku i na kraju rada kazina.

Obrazac Temeljni blagajnički izvještaj obavezno mora sadržavati sljedeće podatke:

1. podatke o nazivu firme i sjedištu društva
2. jedinstveni identifikacijski broj društva (JIB)

3. adresu kazina
4. datum
5. početni i završni iznos žetona po apoenima i ukupan iznos
6. iznos gotovine u blagajni na početku dana
7. iznos gotovine u blagajni na kraju dana
- 8. ukupan početni iznos (žetoni+gotovina)**
- 9. podignut polog**
- 10. dobitak**
- 11. gubitak**
- 12. polog na blagajnu**
- 13. ukupan završni iznos (žetoni+gotovina).**

Obrazac Temeljni blagajnički izvještaj mora biti numerisan, a potpisuje ga blagajnik.

Član 14.

Izvještaj o održanom turniru

Obrazac Izvještaj o održanom turniru (Obrazac br. 8 - IOT) služi za vođenje evidencije o održanom turniru, a ispunjava se nakon održavanja turnira. Obrazac mora biti numerisan, a potpisuju ga voditelj kazina, voditelj turnira i blagajnik.

Obrazac Izvještaj o održanom turniru obavezno mora sadržavati sljedeće podatke:

1. podatke o nazivu firme i sjedištu društva
2. jedinstveni identifikacijski broj društva (JIB)
3. adresu kazina
4. datum održavanja turnira
5. ime i prezime učesnika turnira
6. pojedinačne uplate učesnika turnira (kotizacija)
7. zadržani iznos od uplata učesnika turnira (zadržana provizija priređivača)
- 8. sredstva izdvojena za nagradni fond**
9. podatke o ponovnom kupovanju kredita u turnirskim žetonima (*re-buy* i *add-on*)
10. ukupno uplaćenu kotizaciju učesnika na početku turnira
11. ukupan iznos uplata učesnika tokom turnira (*re-buy*)
12. ukupan iznos uplata učesnika tokom turnira (*add-on*)
13. ukupne uplate učesnika turnira
14. ukupan broj učesnika turnira
15. iznos zadržane provizije priređivača turnira
16. broj dobitnika
17. način raspodjele fonda dobitaka.

III. IZVJEŠTAVANJE O DNEVNOM OBRAČUNU REZULTATA POSLOVANJA OD PRIREĐIVANJA IGARA KLAĐENJA

Član 15.

Zaprimanje uplata

Uplate za igre klađenja mogu se primati putem terminala na uplatnim mjestima u zasebnom prostoru (u daljem tekstu: uplatna mjesta) i putem SMS poruke.

Uplate iznosa kredita za učešće u igrama klađenja putem interneta, mogu se vršiti na uplatnim mjestima priređivača za koje je u skladu sa Zakonom izdato odobrenje ili putem komercijalnih banaka koje posluju na teritoriji Federacije Bosne i Hercegovine (u daljem tekstu: „Federacije“).

Član 16.

Obaveza obezbjeđenja tehničkih preduslova za izvještavanje

Priređivači igara na sreću klađenja, dužni su u svom poslovanju osigurati sve tehničke i druge preduslove za vjerodostojno evidentiranje dnevnog prometa ostvarenog od uplata igrača na uplatnim mjestima, putem SMS poruke i putem interneta, kao i pravovremeno obračunavanje i plaćanje mjesečne naknade za priređivanje igara na sreću klađenja u iznosu 5% od uplate za učešće na teret igrača prilikom svake uplate.

Član 17.

Dnevno izvještavanje o prometu ostvarenom od klađenja

U skladu sa članom 82. Zakona, priređivači igara na sreću klađenja dužni su preko centralnog servera koji je omogućio direktnu on-line vezu svakog uplatnog mjesta sa serverom Porezne uprave, dostavljati podatke o dnevnom obračunu rezultata poslovanja odnosno ostvarenog prometa iz člana 16. ovog Pravilnika, kao i iznosu plaćenog poreza na dohodak od ostvarenih dobitaka koji prelaze 100,00 KM.

Priređivači koji u skladu sa članom 78. Zakona priređuju klađenja zasnovana na snimljenim događajima (snimci utrka konja, utrka pasa i sličnih utrka) i kompjuterski generisanim događajima sa dodatkom TV monitora u kojima se za izbor događaja koristi generator slučajnih brojeva (RNG Random Number Generator), dužni su preko centralnog servera iz stava 1. ovog člana dostavljati i podatke o dnevnom obračunu rezultata poslovanja odnosno ostvarenog prometa od priređivanja navedenih igara.

IV. IZRADA DNEVNOG OBRAČUNA TE OBLIK I SADRŽAJ OBAVEZNIH OBRAZACA ZA DNEVNI OBRAČUN PRIHODA OD PRIREĐIVANJA IGARA NA SREĆU NA AUTOMATIMA

Član 18.

Izrada dnevnog obračuna

Priređivač koji priređuje igre na sreću na automatima mora za pravilno utvrđivanje osnovice za obračun mjesečne naknade izrađivati dnevni obračun po pojedinom automatu za igre na sreću.

Osnovicu za obračun mjesečne naknade čini zbir dnevnih obračuna svih automata.

Osnovica za dnevni obračun pojedinog automata za igre na sreću utvrđuje se tako da se iznos svih uplata umanjuje za iznos isplaćenih dobitaka igračima, a razlika predstavlja dnevni obračun za pojedini automat za igre na sreću. Automati s više sjedećih mjesta smatraju se jednim automatom i za njih se vodi poseban dnevni obračun.

Član 19.

Oblik i sadržaj obaveznih obrazaca za dnevni obračun prihoda od igara na sreću na automatima

Priredivač koji priređuje igre na sreću na automatima dužan je za izradu dnevnog obračuna prihoda od igara na sreću na automatima voditi sljedeće obrasce:

1. Dnevni obračun po pojedinom automatu za igre na sreću
2. Obračun gotovine po pojedinom automatu za igre na sreću
3. Temeljni blagajnički izvještaj automat kluba
4. Skup dnevnih rezultata po pojedinom automatu
5. Popis stanja elektronskih i mehaničkih brojanika po pojedinom automatu

Obrasci iz stava 1. ovog člana moraju biti numerisani i potpisani od strane ovlaštenog lica priredivača, izuzev obrasca iz tačke 3. koji potpisuje blagajnik.

Član 20.

Obrazac za dnevni obračun po pojedinom automatu za igre na sreću

Obrazac Dnevni obračun po pojedinom automatu za igre na sreću (Obrazac br. 9 - DOA) obavezno mora sadržavati sljedeće:

1. podatke o nazivu firme i sjedištu društva
2. jedinstveni identifikacijski broj priredivača (JIB)
3. adresu lokacije automat kluba
4. datum
5. inventurni broj automata za igre na sreću
6. serijski broj automata za igre na sreću
7. broj porezne naljepnice automata
8. ukupan ulaz u KM
9. ukupan izlaz u KM
10. jack-pot
11. razlika (ulaz-izlaz-jack pot)
12. potpis ovlaštenog lica

Za obračun automata za igre na sreću s više sjedećih mjesta, priredivač je dužan izraditi poseban obrazac za dnevni obračun, na obrascu propisanom u stavu 1. ovog člana.

Priredivač koji je u skladu sa Zakonom, automate za igre na sreću povezo u cilju formiranja jedinstvenog jack-pota s istim i istovremenim šansama svih učesnika u igri, dužan je voditi dnevnu evidenciju o eventualnom dobitku jack-pota sa naznakom automata na kojem je isti ostvaren, datumom kada je ostvaren i iznosom dobitka.

Član 21.

Obrazac obračun gotovine po pojedinom automatu

Obrazac Obračun gotovine po pojedinom automatu za igre na sreću (Obrazac br. 10 - OGA) sastavlja se prilikom izrade dnevnog obračuna na automatima za igre na sreću.

Obrazac Obračun gotovine po pojedinom automatu za igre na sreću, pored podataka iz člana 20. stav 1. tač. 1. - 7. ovog Pravilnika, obavezno mora sadržavati i podatak o stanju gotovine iz automata.

Član 22.

Obrazac Temeljni blagajnički izvještaj automat kluba

Obrazac Temeljni blagajnički izvještaj automat kluba (Obrazac br. 11 - TBIAK) sastavlja se prilikom izrade dnevnog obračuna na automatima za igre na sreću.

Obrazac Temeljni blagajnički izvještaj automat kluba pored podataka iz člana 20. stav 1. tačka 1. - 4. obavezno mora sadržavati i podatke o početnom stanju blagajne, iznosu dotacije automata, gotovine iz automata, **izvršenim isplatama**, završnom stanju, **visini blagajne za naredni dan** kao i pologu u automatu (novac od prethodnog dana).

Pod početnim stanjem blagajne podrazumijeva se gotovina kojom blagajnik raspolaže na početku radnog dana za potrebe nesmetanog obavljanja djelatnosti igara na sreću na automatima.

Pod završnim stanjem blagajne podrazumijeva se iznos gotovine koji se obračuna na kraju radnog dana u blagajni automat kluba, a koji predstavlja zbir početnog stanja blagajne, gotovine iz automata i dotacija, umanjen za iznos isplata igračima u toku radnog dana.

Član 23.

Skup dnevnih rezultata po pojedinom automatu

Dnevne rezultate po pojedinom automatu za igre na sreću priredivač upisuje u obrazac Skup dnevnih rezultata po pojedinom automatu (Obrazac br. 12 - SDRA Prilog - 1).

Obrazac Skup dnevnih rezultata po pojedinom automatu obavezno mora sadržavati podatke iz člana 20. stav 1. tač. 1. – 11. ovog Pravilnika.

Skup dnevnih rezultata po pojedinom automatu kao i automatima sa više igračkih mjesta, predstavlja zbir dnevnih obračuna po pojedinom automatu za igre na sreću od prvog do posljednjeg dana u mjesecu za koji se izrađuje obračun.

Priredivač je dužan obrazac Skup dnevnih rezultata po pojedinom automatu dostaviti Središnjem uredu Porezne uprave Federacije, elektronskim putem, najdalje do dvadesetog dana u tekućem mjesecu za prethodni mjesec.

Obrazac se dostavlja kao prilog obrascima br. 17. i 19. propisanim u čl. 28. i 30. ovog Pravilnika.

Član 24.

Popis stanja elektronskih i mehaničkih broјčanika

Priredivač je dužan na kraju posljednjeg dana u mjesecu popisati stanje elektronskih i mehaničkih broјčanika na automatima za igre na sreću.

Priredivač je dužan izraditi obrasce Popis stanja elektronskih broјčanika po pojedinom automatu za igre na sreću (Obrazac br. 13 - PSEB) i Popis stanja mehaničkih broјčanika po pojedinom automatu za igre na sreću (Obrazac br. 14 PSMB) na način da isti sadržavaju sljedeće:

1. podatke o nazivu firme i sjedištu društva
2. jedinstveni identifikacijski broj priredivača (JIB)
3. adresu lokacije automat kluba
4. inventurni broj automata za igre na sreću
5. serijski broj automata za igre na sreću
6. vrstu programa
7. koeficijent
8. podatke o ulogu (*bet*)
9. podatke o dobitku (*win*)
10. podatke o ulazu (*in*)
11. podatke o izlazu (*out*)
12. jack-pot

Obrasci obračuna stanja elektronskih i mehaničkih broјčanika po pojedinom automatu za igre na sreću moraju biti numerisani i potpisani od strane ovlaštenog lica priredivača.

U smislu ovoga Pravilnika, „Koeficijent“ podrazumijeva broj obrtaja broјčanika za uplatu od jedne konvertibilne marke (1KM).

Priredivač je dužan obrasce Popis stanja elektronskih i mehaničkih broјčanika, dostaviti Središnjem uredu Porezne uprave Federacije, elektronskim putem, najdalje do dvadesetog dana u tekućem mjesecu za prethodni mjesec.

Obrasci se dostavljaju kao prilog obrascima broj 17. i broj 19. propisanim u čl. 28. i 31. ovog Pravilnika.

V. SADRŽAJ I NAČIN DOSTAVLJANJA KONAČNOG MJESEČNOG OBRAČUNA
NAKNADE OD PRIREĐIVANJA KLASIČNIH IGARA NA SREĆU, IGARA TV
TOMBOLA-BINGO U ZATVORENOM PROSTORU, IGARA NA SREĆU U
KAZINIMA, IGARA KLAĐENJA I IGARA NA SREĆU NA AUTOMATIMA

Član 25.

***Obračun i plaćanje mjesečne naknade od priređivanja klasičnih igara na sreću,
sadržaj konačnog mjesečnog obračuna naknade od priređivanja klasičnih igara
na sreću***

Mjesečna naknada za priređivanje klasičnih (lutrijskih) igara na sreću iz člana 6. stav 1. tačka 1. Zakona plaća se u iznosu od 10% od osnovice koju kod svih oblika srećki čini ukupna vrijednost prodanih srećaka, odnosno ukupna vrijednost primljenih uplata za pojedinu igru, a uplaćuje se u korist budžeta Federacije zaključno do desetog dana u tekućem mjesecu za prethodni mjesec.

Lutrija Bosne i Hercegovine kao jedini zakonom ovlaštenu priređivač klasičnih (lutrijskih) igara na sreću, podnosi mjesečni izvještaj po vrstama igre do dvadesetog dana u tekućem mjesecu za prethodni mjesec.

Lutrija Bosne i Hercegovine je dužna dostaviti Središnjem uredu Porezne uprave Federacije, obrazac Konačni mjesečni obračun naknade od priređivanja klasičnih (lutrijskih) igara na sreću (Obrazac br. 15 KMO-KLI) elektronskim putem, najdalje do dvadesetog dana u tekućem mjesecu za prethodni mjesec.

Obrazac Konačni mjesečni obračun naknade od priređivanja klasičnih (lutrijskih) igara na sreću (Obrazac br. 15 KMO-KLI) obavezno mora sadržavati sljedeće:

1. podatke o firmi i sjedištu društva
2. jedinstveni identifikacijski broj priređivača (JIB)
3. broj uplatno-prodajnih mjesta Lutrije Bosne i Hercegovine
4. broj uplatnih mjesta ovlaštenih saradnika za prodaju listića i srećki
5. period za koji se obračun podnosi
6. popis vrsta klasičnih igara koje priređuje
7. osnovicu za obračun naknade
8. iznos mjesečne naknade
9. mjesto i datum izrade obračuna
10. potpis ovlaštenog lica.

Ako Lutrija Bosne i Hercegovine priređuje klasične igre putem interneta, dužan je odgovarajuće podatke iz stava 3. ovog člana, za priređivanje klasičnih igara putem interneta iskazati odvojeno od podataka za uplatno-prodajna mjesta i terminale.

Član 26.

Obračun i plaćanje mjesečne naknade za priređivanje igre na sreću Tombola bingo u zatvorenom prostoru te sadržaj obaveznih obrazaca za konačni mjesečni obračun naknade od priređivanja

Mjesečna naknada za priređivanje igara na sreću Tombola - Bingo u zatvorenom prostoru koju plaćaju sportska društva i sportski savezi (priređivači) koji posjeduju odobrenje Porezne uprave, iznosi od 5% od ukupnog prometa ostvarenog prodajom tombolskih kartica za učestvovanje u igri. Naknada se uplaćuje u korist budžeta Federacije zaključno do desetog dana u tekućem mjesecu za prethodni mjesec. Priređivač podnosi mjesečni izvještaj po vrstama igre do dvadesetog dana u tekućem mjesecu za prethodni mjesec.

Priređivači su dužni dostaviti Središnjem uredu Porezne uprave Federacije obrazac Konačni mjesečni obračun naknade od priređivanja igara na sreću Tombola - Bingo u zatvorenom prostoru (Obrazac br. 16 KMO-ITB) elektronskim putem, najdalje do dvadesetog dana u tekućem mjesecu za prethodni mjesec.

Obrazac Konačni mjesečni obračun naknade od priređivanja klasičnih (lutrijskih) igara na sreću (Obrazac br. 16 KMO-ITB) obavezno mora sadržavati sljedeće:

1. podatke o nazivu i sjedištu priređivača
2. jedinstveni identifikacijski broj priređivača (JIB)
3. period za koji se obračun podnosi
4. osnovicu za obračun naknade
5. iznos mjesečne naknade
6. mjesto i datum izrade obračuna
7. potpis ovlaštenog lica.

Član 27.

Obračun i plaćanje mjesečne naknade od priređivanja igara na sreću u kazinima, te sadržaj obaveznih obrazaca za konačni mjesečni obračun naknade od priređivanja igara na sreću u kazinima

Naknada za priređivanje igara na sreću na stolovima za igre na sreću i na automatima za igre na sreću koje se priređuju u kazinima plaća se mjesečno u iznosu od 5% od osnovice koju čini zbir dnevnih obračuna svih stolova i zbir dnevnih obračuna svih automata, a uplaćuje se u korist budžeta Federacije, najdalje do desetog dana u tekućem mjesecu za prethodni mjesec.

Osnovicu za obračun mjesečne naknade kod igara koje igrači igraju jedan protiv drugoga (chemin de fer, texas hold'em poker i slično) čini postotak uplate koji priređivač zadržava od svih igrača. Priređivač sačinjava mjesečni obračun odvojeno za stolove i automate. Mjesečni obračun je konačan.

Naknada za priređivanje raznih turnira u kazinima obračunava se i plaća mjesečno u iznosu od 25% od osnovice koju čini postotak uplate koji priređivač

zadržava od svih uplata sudionika turnira, a uplaćuje se u korist budžeta Federacije najkasnije petnaestog dana u tekućem mjesecu za prethodni mjesec.

Član 28.

Priredivač je dužan dostaviti Središnjem uredu Porezne uprave Federacije, obrazac Konačni mjesečni obračun naknade od priređivanja igara na sreću u kazinima i održanih turnira (Obrazac br. 17 KMO -ISKT) elektronskim putem, najdalje do dvadesetog dana u tekućem mjesecu za prethodni mjesec.

Obrazac Konačni mjesečni obračun naknade od priređivanja igara na sreću u kazinima i održanih turnira (Obrazac br. 17 KMO - ISKT) obavezno mora sadržavati sljedeće:

1. podatke o firmi i sjedištu društva
2. jedinstveni identifikacijski broj priredivača (JIB)
3. adresu kazina u kome se priređuju igre na sreću
4. broj automata za igre na sreću
5. broj elektronskih rouletta s više igraćih mjesta
6. broj stolova u upotrebi
7. broj elektronskih stolova za igre na sreću u upotrebi
8. period za koji se obračun podnosi
9. popis vrsta igara koje priredivač priređuje u kazinu
10. ukupne uplate
11. ukupne isplate
12. osnovicu za obračun naknade
13. iznos naknade
14. mjesto i datum izrade obračuna
15. potpis ovlaštenog lica.

Priredivač je obavezan izraditi mjesečni obračun i uplatiti naknadu odvojeno po vrstama igara navedenim u stavu 2. tačka 10. ovog člana.

Priredivač je dužan voditi mjesečnu evidenciju o izgubljenim, uništenim ili na drugi način otuđenim žetonima.

Član 29.

Obračun i plaćanje mjesečne naknade od priređivanja igara klađenja, te sadržaj konačnog mjesečnog obračuna naknade od priređivanja igara klađenja

Naknada za priređivanje igara klađenja plaća se mjesečno u iznosu od 5% od osnovice koju čini zbir svih pojedinačnih uplata koje u toku mjeseca uplaćuju igrači na uplatnim mjestima putem terminala, putem interneta i putem SMS-a, a uplaćuje se u korist budžeta Federacije, najdalje do desetog dana u tekućem mjesecu za prethodni mjesec.

Priredivač je dužan dostaviti Središnjem uredu Porezne uprave Federacije obrazac Konačni mjesečni obračun naknade od priređivanja igara klađenja (Obrazac

br. 18 KMO-ISK) elektronskim putem, najdalje do dvadesetog dana u tekućem mjesecu za prethodni mjesec.

Obrazac Konačni mjesečni obračun naknade od priređivanja igara klađenja (Obrazac br. 18 KMO-ISK) obavezno mora sadržavati sljedeće:

1. podatke o firmi i sjedištu društva
2. jedinstveni identifikacijski broj priređivača (JIB)
3. broj uplatnih mjesta
4. period za koji se obrazac podnosi
5. naznaku adrese priređivača
6. ukupan iznos primljenih uplata po uplatnom mjestu
7. ukupan iznos isplaćenih dobitaka po uplatnom mjestu
8. iznos mjesečne naknade za priređivanje klađenja
9. broj poništenih listića po uplatnom mjestu
10. iznos poništenih listića po uplatnom mjestu
11. iznos neisplaćenih dobitaka
12. ukupan broj uplaćenih listića po uplatnom mjestu
13. prosječnu uplatu po listiću po uplatnom mjestu
14. mjesto i datum izrade obračuna
15. potpis ovlaštenog lica.

Ako priređivač klađenja ima odobrenje Federalnog ministarstva finansija i za priređivanje igara klađenja putem interneta i putem SMS-a, dužan je podatke iz stava 3. ovog člana za primanje uplata putem interneta i SMS-a, iskazati odvojeno od podataka za uplatna mjesta.

Uplate putem SMS-a i internet uplate tretirati kao jedno uplatno mjesto i to: SMS klađenje – jedno uplatno mjesto, INTERNET KLAĐENJE – jedno uplatno mjesto).

Član 30.

Obračun i plaćanje naknade za priređivanje igara na sreću na automatima te sadržaj obaveznih obrazaca za konačni mjesečni obračun naknade od priređivanja igara na sreću na automatima

Naknada za priređivanje igara na sreću na automatima plaća se mjesečno u iznosu od 5% od osnovice koju čini zbir dnevnih obračuna svih pojedinačnih automata za igre na sreću. Automati s više sjedećih mjesta smatraju se jednim automatom i za njih se vodi poseban dnevni obračun. Mjesečni obračun je konačan.

Mjesečna naknada iz stava 1. ovog člana uplaćuje se u korist budžeta Federacije, najdalje do desetog dana u tekućem mjesecu za prethodni mjesec.

Član 31.

Priređivač je dužan dostaviti Središnjem uredu Porezne uprave Federacije obrazac Konačni mjesečni obračun naknade od priređivanja igara na sreću na

automatima u automat klubu (Obrazac br. 19 KMO-ISA) elektronskim putem, najdalje do dvadesetog dana u tekućem mjesecu za prethodni mjesec.

Obrazac Konačni mjesečni obračun naknade od priređivanja igara na sreću na automatima u automat klubu (Obrazac br. 19 KMO-ISA) obavezno mora sadržavati sljedeće:

1. podatke o firmi i sjedištu društva
2. jedinstveni identifikacijski broj priređivača (JIB)
3. adresa automat kluba
4. broj automata za igre na sreću
5. broj elektronskih rouletta sa više igračih mjesta
6. period za koji se obrazac podnosi
7. ukupan ulaz
8. ukupan izlaz
9. rezultat (osnovicu)
10. iznos mjesečne naknade
11. mjesto i datum sačinjavanja obračuna
12. potpis ovlaštenog lica.

Član 32.

Godišnja naknada za priređivanje igara na sreću u kazinima

Priređivač koji priređuje igre na sreću u kazinima, dužan je u skladu sa odredbom člana 74. stav 1. Zakona, plaćati godišnju naknadu za priređivanje igara na sreću u kazinu.

Priređivač iz stava 1. ovog člana dužan je dostaviti Središnjem uredu Porezne uprave Federacije, obrazac Konačni obračun godišnje naknade za priređivanje igara na sreću u kazinu (Obrazac br. 20 - KGON-ISK) i uplatiti godišnju naknadu za priređivanje igara na sreću u kazinu, do 31. decembra tekuće godine za tu godinu.

Priređivač koji priređuje igre na sreću u kazinu, obavezan je obrazac iz stava 2. ovog člana dostaviti elektronskim putem Središnjem uredu Porezne uprave Federacije, najkasnije do 10. januara tekuće godine za prethodnu godinu.

Obrazac Konačni obračun godišnje naknade za priređivanje igara na sreću u kazinu (Obrazac br. 20 - KGON-ISK) iz stava 2. ovog člana, sadrži sljedeće podatke:

1. podatke o firmi i sjedištu društva
2. jedinstveni identifikacijski broj priređivača (JIB)
3. godina za koju se plaća godišnja naknada
4. naziv i adresa kazina
5. iznos naknade
6. mjesto i datum izrade obračuna

Član 33.

Mjesečna naknada za priređivanje igara na sreću RNG klađenja

Priređivač iz člana 76. stav 1. Zakona, koji priređuju klađenja zasnovana na snimljenim događajima (snimci utrka konja, utrka pasa i sličnih utrka) i kompjuterski generisanim događajima sa dodatkom TV monitora u kojima se za izbor događaja koristi generator slučajnih brojeva (u daljem tekstu: „RNG“ klađenja), dužni su u skladu sa odredbom člana 92. stav 1. Zakona, plaćati mjesečnu naknadu za priređivanje navedenih igara u iznosu 300,00 KM po uplatnom mjestu.

Priređivač iz stava 1. ovog člana dužan je dostaviti Središnjem uredu Porezne uprave Federacije obrazac Konačni mjesečni obračun naknade za priređivanje RNG klađenja (Obrazac br. 18a - KMON-IS RNG) elektronskim putem, najdalje do dvadesetog dana u tekućem mjesecu za prethodni mjesec.

Obračun mjesečne naknade za priređivanje RNG klađenja (Obrazac br. 18a - KMON-IS RNG) obavezno mora sadržavati sljedeće:

1. podatke o firmi i sjedištu društva
2. jedinstveni identifikacijski broj priređivača (JIB)
3. broj uplatnih mjesta
4. period za koji se obrazac podnosi
5. naznaku adrese priređivača
6. ukupan iznos primljenih uplata po uplatnom mjestu
7. ukupan iznos isplaćenih dobitaka po uplatnom mjestu
8. iznos mjesečne naknade za priređivanje klađenja
9. mjesto i datum izrade obračuna
10. potpis ovlaštenog lica.

Obrazac se dostavlja kao prilog obrascu broj 18. propisanim u članu 29. ovog Pravilnika.

VI. PRIJELAZNE I ZAVRŠNE ODREDBE

Član 34.

Priređivači igara na sreću na automatima dužni obrasce propisane članom 24. stav 2. ovog Pravilnika dostavljati do momenta uspostave on-line veze Centralnog računarskog sistema (Servera) sa informacionim sistemom Porezne uprave u skladu sa članom 99. Zakona.

Član 35.

Obrasce za konačni obračun mjesečne naknade za priređivanje igara na sreću u kazinima, igara klađenja, igara na sreću na automatima i igara na sreću Tombola -

Bingo u zatvorenom prostoru, propisane čl. 26., 28., 29. i 31. ovog Pravilnika, priređivači iz člana 8. stav 3. i člana 48. stav 1. Zakona, dostavljaju na način propisan odredbama ovog Pravilnika počev od 1. augusta 2015. godine.

Član 36.

Obrazac za konačni mjesečni obračun naknade od priređivanja klasičnih (lutrijskih) igara na sreću iz člana 25. ovog Pravilnika kao i obrasce propisane čl. 28., 29. i 31. ovog Pravilnika, Lutrija Bosne i Hercegovine je na način propisan ovim pravilnikom dužna dostavljati počev od 1. januara 2016.godine.

Član 37.

Ovaj Pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 05-02-1-4532/15

Juli 2015. godine

Sarajevo

MINISTRICA

Jelka Milićević

POČETNO STANJE STOLA N^o _____		
PRIREĐIVAČ _____		
DATUM _____		VRIJEME _____
VRSTA IGRE _____		BROJ STOLA _____
KOMADA	APOENI	IZNOS
NAPOMENA	UKUPNO	
_____	_____	_____
KRUPIJE	INSPEKTOR STOLA	BLAGAJNIK

ZAVRŠNO STANJE STOLA N^o _____

PRIREĐIVAČ _____

DATUM _____ VRIJEME _____

VRSTA IGRE _____ BROJ STOLA _____

KOMADA	APOENI	IZNOS
NAPOMENA	UKUPNO	

KRUPIJE INSPEKTOR STOLA BLAGAJNIK

DOTACIJA STOLA N° _____		
PRIREĐIVAČ _____		
DATUM _____	VRIJEME _____	
VRSTA IGRE _____	BROJ STOLA _____	
KOMADA	APOENI	IZNOS
NAPOMENA	UKUPNO	
_____ KRUPIJE	_____ INSPEKTOR STOLA	_____ BLAGAJNIK

KREDIT STOLA N^o _____		
PRIREĐIVAČ _____		
DATUM _____	VRIJEME _____	
VRSTA IGRE _____	BROJ STOLA _____	
KOMADA	APOENI	IZNOS
NAPOMENA	UKUPNO	
_____ KRUPIJE	_____ INSPEKTOR STOLA	_____ BLAGAJNIK

OBRAČUN GOTOVINE STOLA N° _____		
PRIREĐIVAČ _____		
DATUM _____	VRIJEME _____	
VRSTA IGRE _____	BROJ STOLA _____	
KOMADA	APOENI	IZNOS
	200,00	
	100,00	
	50,00	
	20,00	
	10,00	
UPLATE U EURIMA	X 1,95583 €	
NAPOMENA	UKUPNO	
_____	_____	_____
KRUPIJE	INSPEKTOR STOLA	BLAGAJNIK

OBRAČUN SAČINIO

24.							1. MJESTO		
25.							2. MJESTO		
26.							3. MJESTO		
27.							4. MJESTO		
28.							5. MJESTO		
29.							6. MJESTO		
30.									
U K U P N O									

NAGRADNI FOND	
----------------------	--

PROVJERA	
-----------------	--

VODITELJ CASINA

VODITELJ TURNIRA

BLAGAJNIK

PODACI O PRIREĐIVAČU

DATUM _____

JIB

--	--	--	--	--	--	--	--	--	--	--	--	--	--	--	--	--	--	--	--

NAZIV _____

ADRESA _____

TEMELJNI BLAGAJNIČKI IZVJEŠTAJ N^o _____

POČETNO STANJE (knjigovodstvena visina kase)	
DOTACIJA	
GOTOVINA IZ AUTOMATA	
ISPLATE	
ZAVRŠNO STANJE (1 + 2 + 3) – 4	
VISINA BLAGAJNE ZA NAREDNI DAN	
POLOG (5 – 6)	

BLAGAJNIK

PODACI O PRIREĐIVAČU

JIB

--	--	--	--	--	--	--	--	--	--	--	--	--	--	--	--	--	--	--

NAZIV _____

ADRESA _____

**KONAČNI MJESEČNI OBRAČUN NAKNADE
OD PRIREĐIVANJA IGARA NA SREĆU TOMBOLA-BINGO
U ZATVORENOM PROSTORU ZA _____ (mjesec) _____ (godina)**

Red. Br.	VRSTA IGRE	OSNOVICA (IZNOS PRODATIH KARTICA)	IZNOS MJESEČNE NAKNADE (5% od uplate)
1	2	3	4
UKUPNO			

**MJESTO I DATUM
IZRADE OBRAČUNA**

OVLAŠTENI LICE

OBRAZAC BR. 19– KMO – ISA**PODACI O PRIREĐIVAČU**JIB

--	--	--	--	--	--	--	--	--	--	--	--	--	--	--	--	--	--	--	--

NAZIV _____

ADRESA _____

BROJ AUTOMATA ZA IGRE NA SREĆU _____

BROJ ELEKTRONSKIH ROULETTA SA
VIŠE IGRAČIH MJESTA _____**KONAČNI MJESEČNI OBRAČUN NAKNADE OD PRIREĐIVANJA IGARA NA SREĆU
NA AUTOMATIMA U AUTOMAT KLUBU ZA _____ (mjesec) _____ (godina)**

Red. Br.	VRSTA IGRE	UKUPAN ULAZ	UKUPAN IZLAZ	REZULTAT (OSNOVICA)	IZNOS NAKNADE (5X5%)
1	2	3	4	5	6
1.	AUTOMATI ZA IGRE NA SREĆU				
2.	AUTOMATI ZA IGRE NA SREĆU S VIŠE SJEDUĆIH MJESTA (ELEKTRONSKI ROULETTE)				
UKUPNO					

**MJESTO I DATUM
IZRADE OBRAČUNA****OVLAŠTENI LICE**

PODACI O PRIREĐIVAČU

JIB

--	--	--	--	--	--	--	--	--	--	--	--	--	--	--	--	--	--	--	--

NAZIV _____

ADRESA _____

**KONAČNI OBRAČUN GODIŠNJE NAKNADE ZA PRIPREĐIVANJE
IGARA NA SREĆU U KAZINIMA ZA _____ GODINU**

Red. Br.	NAZIV I ADRESA KAZINA	IZNOS NAKNADE
1	2	3
UKUPNO		

**MJESTO I DATUM
IZRADE OBRAČUNA**

OVLAŠTENI LICE
